

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

BL
1843
T582
v.8


Tojo, Kindai
Sentetsu sodan kohen


East Asia

先哲叢談後編


自卷八止

31





BL
1843
T582
v. 8



先哲叢談後編卷之八

信濃 東條耕子藏著

蘆東山

名德林字世輔一字仲垞又字茂仲號東山玩易
齋梅隱翁皆別號通稱孝七郎奧州人仕于仙臺
侯

東山始族巖淵氏其先居武州巖淵因以地爲氏天正
中太郎左衛門尉者移居野州蘆壑因又以地爲氏
子孫多在奧之磐井郡祖榮胤通稱作左衛門父德
芳通稱佐左衛門老後薙髮稱一桂世業農畝娶須

藤氏生數子。東山其第二子也。以元祿九年丙子十一月廿三日。生於磐井郡澁井邑焉。

東山四五歲。穎悟好見。稗史父奇之。九歲時。山鹿素行門人。桃井素忠。通稱采女者。遊于奧。德芳招之。寓宿于家。使東山從受諸經句讀。僅一年。讀了四書五經。素忠又奇其夙慧。

寶永七年庚寅六月。始遊仙臺。寓于富商大和屋久四郎家。時十五歲。有江戶人吉田需軒者。遊于府。講習程朱學。教授生徒。東山從聞其講。五年于此。又遊平安。受業於三宅尚齋之門。又之長崎。講說授徒。其名

稍顯于諸儒之間。仙臺侯

從四位上中將陸奥守吉村

遙召爲儒

官。賜祿百五十石。時歲二十六。享保六年辛丑之夏。

享保中。東山建議。請設府學。時有富商鈴木八郎左衛

門者。嘗學東山。頗讀書。能屬文。聞其事。請出金二萬

兩。而助興造之費。資東山與前儒官田邊希文言之。

上大夫田村某高泉某等。遂上疏國侯。侯許可之。經

營區畫。各盡巨大。檼桷瓦皆極壯麗。三年告成。匾

曰明倫堂。立師長。置生員。學政一從山崎氏。至於今

仙臺府學之盛。過于諸州。其端實東山及佐久間洞

巖所創。初也。

東山資性剛直。不避權要。不徇時俗。嘗於學舍。有與諸
有司爭其班次之高卑。東山捍言曰。經筵習儀。不待
卿等。雖執法大夫。無有此事。有司無答而去。後卿之
劾以蔑侮藩制。遺棄舊典。遂爲之坐。幽囚於加美郡
宮崎邑石母田長門邸中。其在囚所。二十四年。寶曆
十一年癸酉。遭赦放歸鄉里。時歲六十六。

東山在幽囚。有所憾而著。無刑錄十四篇。略述秋官之
遺意。後其書始傳於世。識者稱爲有深意云。

東山晚年號梅隱翁。又遊仙臺。教授生徒。將校正伊洛
閩閩諸書。刊行於府學。鈴木八郎左衛門保管。剽

資量。校定就緒。將閱係其業。罹疾而罷。不成。學者皆惜之。

東山以安永五年丙子六月二日歿。時歲八十一。葬於澁井邑深蘆山麓。初娶某氏。生一男五女。皆夭。後娶某氏。生一女。長後嫁門人畑仲大中。不幸而無嗣子。友人田邊希元撰墓表。黑澤東蒙作實記。足以不朽其蹟焉。

石王塞軒

名明誠。字康介。號塞軒。黃裳確廬皆別號。晚年以字行。通稱安兵衛近江人。

塞軒之父則之通稱新五郎家世江之甲賀郡水口邑人娶同邑宿谷氏以元祿十四年辛巳四月十八日生塞軒于邑草廬云

塞軒幼有異稟穎悟過人弱冠志於學自請父遊于平

安受業於三宅尚齋之門博與諸名士交講究有年

遂與久米訂齋

名順利字斷治訂齋其號

井澤灌園

名剛中字子悅灌園其號

號稱三宅門三傑塞軒尤其魁

塞軒嘗應大洲侯之聘至豫州議封境政事百廢悉興

侯遇以賓禮士大夫及國人皆矜式之頃之以親老

辭去歸鄉里奉養父母甚厚雖家無儋石之儲隨時

稱宜務令父母無以貧爲憂矣。人皆稱其孝。先是以
老親在堂。不得親炙于師。及其歿後。田宅家財盡附
與族人。單身遊平安。講說授徒。以窮理任道爲先務。
尚齋屢稱其爲人曰。有確乎不變塞之操。其學非透
了道義。則安能至此乎。後至書其說。以爲贈。遂以確
名廬。以塞名軒。

寶曆癸酉秋。塞軒歲五十三。始遊江戶。嘗應仙臺侯之
請。講孟子於其邸。侯禮遇尤渥。翌年戊寅春。應阿波
侯之聘。遊事之。侯英遇絕人。究意藩政。厚聘卑己。身
親執弟子之禮。賜月俸六十口。侯常視其卿士大夫。

皆若童兒。悍然自任。而特於塞軒。則未曾不竦然。致敬也。其尊信之深。預聞封境。凋瘵政刑。機密之事。侯委任之極。竊議欲擢爲大夫。委以國政焉。居數歲而辭俸。再來平安。居三條街白河橋南。下帷唱道。以開發正學。艾艾異端。爲己任。旣而侯豐施失宜。制度無規。國政漸弛。識者稱爲先見焉。

塞軒於太極圖說。尤研究其旨。著太極圖說大意講義二卷。嘗謂終身精力所寓。再三易稿。六十歲後略能爲編。猶以爲未滿意。手火之云。蓋其在三宅門人。皆曰性理斷治。久米訂齋字曰太極康夙最覃情於其書者。

也

塞軒以安永九年庚子正月二十一日歿時歲八十。門人以禮葬于洛東眞如堂塋域娶福原氏而無子。所著有太極圖說大意講義一卷讀書摘講六卷黃裳文集二卷皆出於門人竊鈔其餘語孟經說數卷散佚不傳云。

新井白蛾

名祐登字謙吉號白蛾黃州龍山古易館皆別號通稱織部後以白蛾爲通稱江戶人仕于加賀侯白蛾之父祐勝加州人學於淺見綱齋住于江戶妻某

氏生白蛾於江戸下谷。白蛾十三歲學于家庭。又奉

父命師事菅野兼山。

名彦字直養號兼山稱勘子

兼山三宅尚齋

之門人。尸祝山崎氏學者也。白蛾年二十二下帷神

田紺屋街。以講習爲業。然當時物徂來之徒。以漢魏

古學明。李王修辭風靡一時。能無與之抗。自知其不

可企及。去遊關左諸州。後來平安。居于衣棚押小路。

研究易說。以占筮屢有奇驗。其業盛于二世。號曰古

易中興。

白蛾既唱易說於平安。以建門戶生徒輻湊。而當時儒

流皆以占筮家目之。賤其所爲。嘗詣芥丹邱相與論

易丹邱雖以名望蚤成一家固不精易學舉王弼韓
康伯程頤朱熹等之數家說與之論談白蛾商榷歷
代百三十有餘家指摘其說醇疵悍然曰魏晉之人
渚亂虛玄宋元之儒拘束性理咸是迂遠于易義也
丹邱然焉後序所著古易對問云白蛾氏於易學顯
微闡幽悉削後儒陋見別立一家之旨自丹邱出此
言儒流皆知白蛾精于易不世占筮者之類矣

古易對問既成生徒競爲書寫白蛾刻之家塾門人古
維嶽校字謂白蛾曰伊藤仁齋以一家言建立其學
物徂來又然雖各有功於前聖僅去其時三四十

攻擊其學。辨駁其書者。不下幾人。於此書後世有非
斥之者。然則當以一家言而名之。一家言。素不待入
之毀譽之意也。白蛾喜從焉。

一家言刻成。大坂書賈星文堂發販。鬻了一千部。平安
及江戸。書賈求之者。陸續不息。又鬻一千五百部。未
終一年。販得二千五百部。資產給業。家暴致千金。嘗
謂白蛾曰。僕家產書舖。二世於此。未聞若斯販得之
夥。實未曾有之大盛事也。白蛾傲然拊掌曰。嚮江戸
書舖嵩山房。刻服南郭校唐詩選。其兌發。初鬻了一
千部。自其比年。所販不下二三千。吾著與斯同。自負

其傳播廣矣。

白蛾中年之後。好詠和歌。傍通我邦之典故。嘗校訂源
白石。同文通考。補其所遺漏。刊行于世。其序中有言。
曰。神武天皇。運屬鴻荒。時鍾草昧。聖德能雍和四
海。生睿恢弘。帝紘天業。以永生民。以長至。應神天
皇。御宇。文道殊布施。仁德朝。庭天澤雨浹。黎民益
安。履中朝。庭置國史記言事。達天下之志。文風漸
盛。教化寢滿。而至文武朝。庭。淡海公奉敕。制選令
十卷律十二卷。則政教大張。文化丕開。王宮閭巷。咸
靡不有學校之設矣。置史取士之法。甚詳密。而彼三

代遺法。燦然在此時。且又釋奠之禮。自國學至閭里。壹是莫有闕如。古人云。夫子之道。布在我邦者。不亦信乎。而後星移物換。上怠下慢。政教日弛。文風月杜。保元以降。人尚軍旅之事。仁德不舉。綱紀不振。此日久而民物變。迨後世則國朝之人。不知國朝之昔。或雖儒者。以我邦往古無學而稱之。不亦愚乎。或雖有有識士。得一事獲一書。皆秘家而不傳。欲以獨通古售名。是不亦非乎。於是乎上代之政教益廢逾絕。至不可知。白石先生有見于此。闢發湮晦。取和漢與文字之說者。以成編。名曰同文通考。弗啻益後進寶將。

來而已。我邦上代之盛事。亦可視于此。然則可謂有忠於國之書者也矣。不佞時拾其貴意。考之古書。有其所可徵者。則取補之。其後固非可跂於先生絕出之德者。唯尊信此書之餘耳。其文雖不足稱。其留志於我邦之典故。亦可以嘉尚矣。

白蛾講說授徒。其時未有言易者。其言者僅山崎闇齋之徒耳。至寶曆中。岡白駒著古周易解。河田東岡著周易新疏。皆主卦象專說占筮。白蛾傳聞其舉。謂人曰。某先生註周易。某先生著易疏。真可謂東西衆周孔。南北多邵朱。信哉後生可畏。

白蛾著易書數種。多主於占筮。各術於坊間。街衢賣筮者。自稱白蛾之門人。棄擲斷易天機焦氏易林等之諸書。爲俗書而不顧。故又不爲擲錢星命飛伏納甲雜占。專主卦象。占易中興之稱。於是乎立。白蛾易術婦人小童。無不知者。至乃謂探策占物。同符管郭。與世之附會生刺。牽強災緯者異。白蛾自稱。謂東方出一邵康節先生。而象數明於世。則可矣。自負其技。常亦如斯。

白蛾賞花於東山。入夜將歸家。途中聞吟詩云。無聲無臭獨知時。此是乾坤萬有基。拋去自家無盡象。沿門

持鉢效貧兒。就熟視之。則一老翁也。白蛾問曰。今所吟詩。翁之所作耶。果古人之詩耶。翁姿望秀偉。不類常人。微笑曰。是王陽明詠道詩也。知子好易。故偶吟之耳。相與談易。疊々有理。同行數里。問姓名鄉貫。乃對曰。東西南北之人。素不定居。何及姓名鄉貫乎。而不告。遂至衣棚。押小路。白蛾家門前。白蛾將延之家。不可將辭相別。謂白蛾曰。子留志於易。專唱象數占筮之說。以成家。可謂豪傑之士。惜哉。未能脫於伊仁齋物徂來之範圍。夫伊物二家。點竄前儒成說。移易前後。以爲己書。世之學者。幸而不知者多矣。子審

易說數篇。皆蹈二家之輻轍焉。其小者不預。大者言之。古易斷於康熙。周易折中。易學類編。於中村明遠。易學要領。古易通。於愈琰。周易集說。左國易說。於毛奇齡。春秋占筮書。皆剽竊前人成說。以爲己所見。此四書。子常稱研精而所得。自識者視之。猶穿踰之盜耶。豈以一家言自處乎。子蓋思諸快走而去。白蛾大慙。自懲。故初年輕果著諸書。以彼翁爲成都隱者之類。

或曰。我邦儒流。皆不究易學。大抵從朱子啓蒙等之書。無有異議。至於近世。河田東岡。名孝成。字子行。號東岡。因州人。水谷

雄渠

名君龍字起雲號雄渠備中人

真勢中州

名達富字發貴號中州尾張人

松井

羅州

名暉星字資黃號羅州浪華人

片岡如圭

名基成字平甫號如圭京師人

土肥

鹿鳴

名貫雅字秀太號鹿鳴江戶人

皆以易學名於世其筮儀大同

小異各構一家說然折衷衆義述已所得宜以白蛾

之說而爲之巨擘

白蛾以寬政四年壬子五月十四日歿于賀州金澤享

歲六十八及其易筮賦和歌二首其一曰雄斐通謨

瑠身輪味斯嘉與農保努騰機酢奈舊顧惠瞻香梨

能姑樓紫努廻綿其二曰軒離儂譽登疑礙磐威圖

俱茂嗣訶南囉鉾枯孤露貳豆報漏耻翟緒破邏倭

咩且遺訣曰。余自小少。欲以儒術。磅礴古今。折衷漢宋。略述所見。輕俊之質。知不可及。僅追管郭之跡。以易術占筮。持一家之端。固不足以不朽其業。故就木之後。莫敢修碑碣等。唯誌一片之墓法。謚數字而足矣。後從遺命。其墓石鑲樂齋大道玄機居士八字耳。其墓在金澤野田山。

白蛾所著有古易斷內外編。古易斷時言。古易通。周易精蘊。古易精義。古易一家言。易學小筌。易學類編。廣易學必讀。梅花易評註。左國易說。周易本義考。周易啓蒙考。論語彙解。古文孝經發。詩書通攷。國字箋。小

學疏義老子形氣國名解。蒙求發同文通考補牛馬
問。滄溟尺牘兒訓。唐詩兒訓。唐詩絕句解等。世人唯
知白蛾精於占筮。未知精於六書及國朝典故。余嘗
閱其書數種。就中論語彙解。唐詩兒訓。頗裨益乎後
進矣。

龍草廬

名公美字君玉中。更名元亮字子明。再復舊號草
廬。又有竹隱松菊主人。吳竹翁明々窗綠蘿洞等
諸號。通稱彥二郎。後改衛門。伏見人仕于彥根侯。
草廬之系。自於式部卿親王敦實出。桂大納言經信之

裔也。經信庶子俊賴爲修理大夫橘俊綱所子養居
于伏見石井里。十二世祖正五位下左衛門佐善則
仕。後崇光王貞成于伏見月宮館。方其王子彥仁降
誕日。善則爲之禱。鳩嶺之神通。七日夜矣。夢中神告
以彥仁享福事。而歸途現視登龍之瑞。無何彥仁以
稱光帝崩。入踐祚。是爲後花園帝。王喜曰。是善則
忠誠所致也。以視登龍之瑞。卽令其姓爲龍。且賜以
寶劍一口。因子孫襲寶焉。高祖親善。給仕。伏見王府
兼司御諸祠職。叙從五位下。任大和守。曾祖善政通
稱。四郎左衛門出仕。于紀侯老後。隱于鄉。祖善和通。

稱秀左衛門始業商父善清通稱彦兵衛善茶事號
台眞娶佐々木氏生草廬以享保十年乙巳四月十
一日歿時草廬歲僅十一養於母氏聰慧負奇氣頗
好讀書雖門衰祚薄常有將以文學起家之意云
草廬養於母氏一年家資殆盡不能衣食偶有平安製
筆舖某者愍憐之將使草廬爲養子其家請之母氏
於是乎移平安服事商估母氏守寡在於鄉每月爲
之贈其費資曾作思鄉詩云總角辭家客洛陽秋風
一望白雲長歸心不爲尊鱸美衰白慈親在故鄉時
年十三也

草廬自服於商。生產富豐。家資亦不手窘。奉養衣食異於曩時。然不欲以什一處世。簿書計算之暇。研究經史。誦讀既遍。嘗謁字明霞。受其誨督。好讀唐明諸家集。留志歌詩。明霞資性縝密。加旃以卓絕之才。宏覽之學。睥睨海內。其人固高于世。曾以草廬不研精經義。徒事浮靡虛文。而厭薄其爲人。拒絕之。草廬大憤之。終身未嘗言。一見明霞之事。自稱學無常師。元文中改業爲儒。下帷烏丸小路授徒。時歲二十五。

草廬性格寬緩踈脫。雖無謹厚之質。頗有溫雅之風。且才思秀麗。博綜衆技。受其鈐於織田梅咲。

名茂倫字子雅究

其與旨。又精國學。善和歌。和文。兼巧楷草。聲價著聞。
當世。從遊之衆。推尊之夥。當時平安諸名家。莫能與
之比。其業者矣。

草廬慕諸葛武侯。陶靖節爲人。言曰。吾出則爲武侯。處
則爲靖節。而如武侯。則時非其時。甘爲靖節哉。而無
田二頃。可餬口。無宅一區。可置身。故以草廬爲號。以
松菊名居。

草廬唱業於平安殆二十年。以詩歌爲專主。雖尸祝物
徂來。左祖其說。步馳與時流異。排擯赤羽服南郭。護
洲高蘭亭。荻府縣周南等之輩。爲陳腐釘鉅摹擬中。

之又摹擬者也。於唐則推李青蓮。岑嘉州。於明則尊

劉青田。謝四溟。別出機軸。門下之士。若伏水。香居敬。

字簡敬平安。大江資衡。字樞圭岡崎信好。字師古幡

君英。字文華李景義。字汝篋越前室聚。字士錦浪華

左士詢。字子岳淡海荒忠俊。字孟彦義濃源孝衡。字襄

平號江東釋凍浦。號豹隱又號謂之幽蘭社。十才子。

幽蘭社十才子之稱。傳播於遠邇。當時以詩社聞於世。

者。服蘓門長嘯社。江邨北海。賜杖堂。片北海。混沌社。

安清河市隱堂。遊藝園者。無不知之者。特幽蘭社與

混沌社。尤著於世。或謂草廬曰。近時水順菴門下有

十才子稱伊仁齋有四傑五藏物徂來有七才子英
髦之士相從若雲今先生之門又有十才子稱唱和
之任可謂不孤矣草廬笑曰有浮屠人所謂九人而
已

草廬平生無以師道嚴勵拊循子弟之意塾中遂無訶
責之言調話遜言故不以名位格物陽則似頽脫寬
敞任真自得誘掖後進者而陰則矯情屈意取容於
人青衿白面雖寓門下不以學術嬰心自爲無狀無
賴之人當時有志者指笑之曰遊亂社遊亂與幽蘭
同音也

草廬每應人需作文書字。必定謝儀多少。而後構思起稿。若其謝儀財幣。不速贈之。則輕諾不果。偷懶寘之。人來促之。則言未全成。故請墓誌碑銘題跋序記諸文者。欲速其成。必先以謝儀財幣。後請其事。諸儒皆譏貪得。草廬自若。曰。代耕糴以筆硯。何足以爲累哉。不更校之。同時江北海著日本詩選。時人語曰。納錢入選。江君錫待價作文。龍子明蓋當時浮華爲風。輕薄爲習。人事虛驕。好名之徒。有以詩稿請採擇者。北海從其請。必稱刻費資。取若干錢。而後僅採一二首。收之選中。故有此語。君錫北海字也。

草廬以寬延三年庚午遊事彥根侯受月俸猶在平安。後經七年賜第宅於城中命移居彥根恩禮頗優。每月一六日講經於正廳侯朝服聞之上自卿士下至小臣侍講筵凡六百人許鶴班鷺列兩階之間而聽之。蓋彥根自茅土以降封內文學之盛所未嘗有也云。

草廬將移家於彥根時洛攝諸友有送別之詩使門人香居敬編輯之爲二卷名曰綰柳篇明和庚辰從其侯入於京義故門人又有送別之詩文使門人袁景陳編之爲二卷名曰畫錦集又使門人某採錄與孔

文雄

字世傑號生駒山人河內人

唱和詩若干首

名曰龍孔墳苑

集各刊行於世有識者皆非笑之以爲誇驕浮靡賣

名之甚者

草廬雖

以浮靡取譏於諸儒間其流風餘韻有不可磨

滅者

三都所謂書畫會春初發會著作會之類至於

今世餬口文藝者不得不用而皆便之其事始自草

廬矣

草廬遊

嵯峨飲賣酒鋪酒鋪主人請其書字乃書一聯

曰釀成春夏秋冬酒醉倒東西南北人主人大喜乃

懸諸門上以爲招望云蓋先是賣酒樓未有以若此

文字爲招望者其他娼樓肉鋪茶肆麵店之類出橫
匾懸柱聯皆草廬昉於好事之所致也

草廬六十一歲建壽藏江東千鳥岡碑石背鏤以一首
和歌其歌云哆香璣菜謨智徒離賀於嘉貳怒渡綿
礙梨南疑與能騰望緒摩津濃斯汰軒計蓋千鳥岡
挾道多松樹故句中及此云

草廬在於彥根十八年以安永四年乙未秋抗疏乞骸
骨再歸平安僑居鴨河四條畔無幾築草堂於下河
原菊谷杜門謝客專事著述至晚年深慙其浮名雖
有請其文求其書者辭而不應嘗與河內橘子仲書

中極言壯年時爲時習所誤。今摘其略於此。曰。如不
佞。生來無有一技之可述。一長之可稱。而叨竊儒名。
於平安。鳩生徒講經藝。乃誤辱藩主。虛左之遇。承之
教授之任。於是虛名益傳播四方。投刺至者陸續不
絕。不佞雖既知其浮靡勢使之然。不能峻拒。然內顧
則才識朽鈍。不學無術。所謂羊質而虎文。深慙其爲
人也。且李杜之詩。鍾王之書。無裨益於經世。足下若
立志留意經術。莫敢從事文墨之瑣些。爲時習所誤
矣。

草廬自壯年後。有臨池之癖。模倣李北海。趙松雪。然其

書體婉麗而軟弱。清客程赤城評之。以為似婦人之書矣。項閱釋慈周詩鈔。有觀龍某先生遺墨之詩。曰。何年將個秋蛇手。寫就風前春柳枝。晚年移家錄事巷。或應觀舞得腰支。二十八字。可謂狀盡草廬之書體矣。按錄事巷花街之名。見于陸遊老學菴筆記。

武欽繇

字聖謨號梅龍

芥煥

字彥章號丹邱

片猷

字孝秩號北海

亦松鴻

字國鸞號

滄洲僧顯常

字大典號蕉中

等皆出於宇明霞之門。各以經術

文章領袖後進。草廬與之交。遜言恭已。不能發一言。唯謹爾。五人視草廬至。卑以謂不足以與抗其短長。草廬以明霞之故。竊諱忌之。其至著名典二。詮大駭。

明霞曰。士新之學。多有激於物子者。蓋方此時。物子唱古學於東府。風靡四方。无肯是非之者。士新偏執拗戾。憤其如斯。一以排擊物子爲之任。當其著論語考。雖單句隻行。莫不貶斥物子者。雖然其才學實非物子之倫。其不逮者遠矣。故其所自說。固無一定之見。譬諸拔城略邑。而不能自保。退據舊窟。此乃士新之所以爲士新也。片猷視之曰。黃吻兒強學語焉。草廬以寬政四年壬子二月二日歿。時歲七十八。葬於東山菊谷高臺寺。所著有毛詩證論語詮名詮典詮。貴貞志。日本詩刪。仄韻礎。唐詩材。辭略。伏水志。舊葉。

吳竹翁談海人棄草南遊草龍氏筆乘草廬詩集同

文集同尺牘集同和歌集同和文集等

按墓表云以正德四年甲

午歲生于此十九年其曰七十八者蓋差一年

草廬之妾管氏名貞香字芳卿號小蘭河內人頗善草

隸又善歌詩其詠史云六王既畢帝入寰威振四夷

與八蠻不識車駕巡狩日鮑魚能過蒼生姦極有氣

骨不似口吻有臙脂之態

長野豐山松蔭快談云學明七子而極拙極劣妄竊詩

名者龍草廬之類是也學宋詩而不解宋詩多用生

字以掩其拙者僧六如之徒是也故曰非真才實學

本性求情者則未可與言詩也。旨哉斯言也。不啻砭針。二氏之輩抑今之得詩名於世者。宜省于此。不然則百歲之後。不爲於草廬者殆希矣。

安清河

名修字文仲。又以爲通稱。初名于慶字吉甫。號清河。又號市隱詩社下毛人。

清河之先不詳其所出。六世祖有資榮者。世爲巨族。下毛州牧野邑。天正中爲利根信俊者所害。遂失土地。其子榮雄弟小次郎流落關八州。更名變形竊訪索信俊所在。遇諸伊豆三嶋。以伎戲近之。鳴聲揮刃。遂

得報讐焉。後遷此州。忍城仕于成田。下總守氏宗無
幾會成。田氏移封下毛。烏山從之來。下毛榮雄頗好
道家者流。學。長中請置道觀於牧野邑。自司其祀。
隸屬於聖護院王府。後以安達爲氏。蓋避殺信俊名
也。傳至玄孫賴榮。是爲清河父。娶伊藤氏。生二男。
一女。伯亮榮嗣其家。叔清河以享保十一年丙午四月
二十七日。生清河於烏山云。
清河七歲。受諸經。句讀於兄亮榮。尤好讀詩。誦高廷禮
唐詩正聲。李于鱗詩刪等。暗記數十首。殆若老成人。
皆以神童稱之。

清河十四歲時同州千本里玉泉觀司祀某死而無嗣
子其族請清河於亮榮使司祀事因號玉泉院法印
稱有慶研究所謂兩部神道尤勤其祀事雖然耻我
邦道家者與西觀爲伍不甚好處之當是時閔東服
南郭關西縣南以文章歌詩振揚其聲南郭門下
士鶴士寧石仲緣詩名最顯清河心竊欣慕偶有鄉
人僧實踐者遊江戶寓士寧家清河自抄詩若干首
託實踐請點竄於士寧士寧謂實踐曰若斯人才非
吾所及正遂示南郭且以其實南郭大奇之自是芙
蕖社中皆知其名

清河遁不好居其法印職遊江戶謁士寧士寧豪爽高
簡蔑視後進得其許可者極鮮矣甚愛清河使之門
客於家受業於南郭而後問經義於松崎觀海南郭
止之曰我既奇子才凡業不專門則難於大成勿慎
攻多端清河於是留志於詩辭藻日以進時年二十
一云

清河寓于士寧家八年必以正五九月歸鄉爲祀事後
厭其煩使姪俊明嗣下泉觀司祀或來江戶或遊諸
州未定居趾三十八歲遂携妻子移於江戶僑居淺
草聖天街後築室萱葉街其居近於市陌囂塵中故

士寧題曰市隱堂

清河中年以後。芙蕖社中諸子皆凋盡。特以服門親炙之人存於世。自貴公公子。至草野苾蒨之徒。四方麇至。請受其業者。靡々不絕。明和中與谷玄圃齊其名。人呼護洲二大家。玄圃又住于護洲。

清河恒居不好華麗。躬服澣濯衣。器財諸物更無所玩。務事儉素。殆幾乎吝。特當南郭之忌辰。收香花資銀。於菩提院。又招社中諸友。悉其儲待。美供佳設。頗極豐甘。使各盡歡而罷。二十年若一日云。

清河壯年時。好遊諸名山。足跡遍天下。故集中多記行。

作晚年得脚疾行步不自由故招之者以輜輿不堪其煩一概謝而不行雖王侯貴人請業者必躬親詣其家籃駕鞍馬聯列於此喧嚷雜鬧包隸數人鵠立門外委巷爲之重沓狹窄比隣皆病其侵汨

清河娶同邑藤平氏生五男一女二子有恒字士芳二十五歲而歿三子維和字士厚十七而歿五子良雄字士視十三而歿皆善歌詩女適石井某其餘皆夭或請養爲嗣者清河不可曰吾去鄉之日旣已立嗣吾將享其祀且有二三門人在焉知其不擠于溝壑之瘠遂不立嗣矣

清河以寬政四年壬子正月寢疾。及閏二月六日不起。享歲六十七。及其病革。召門人佐維章。滕元充繩惟直。令主喪事。且命曰。吾與根君美有同調之誼。屬以碑誌。松芳文於社中書名。其令書之。又以著述稿本數種。屬三子。言終而歿。所著有東毛紀行。東海遊囊。相中紀行。詩準。詩典。市隱草堂集等。其餘猶有向風草前後編。大東地名考。市隱草堂集遺編。皆出於門人輯錄矣。

石作駒石

名貞字子幹號駒石通稱貞一郎信濃人仕于州

之福嶋山村氏

駒石甲斐武田氏臣原隼人佐政有之裔父厚愷母桑
原氏厚愷世臣於山村使君厚愷兄某坐事失祿享
愷養於其族某舊在尾名古屋享保中遭肆赦再來
福嶋半祿復仕以寶曆丁丑歲而歿焉時駒石十八
歲襲祿爲近侍山村氏冢子名良由字君裕號蘓門
少好文學愛駒石爲人勸以讀書始從鄉先生受四
書句讀時歲十九云

駒石自志於學旣憂僻邑無良師友明和三年丙戌春
請適勢州桑名而學於南宮大湫山村氏許之厚其

給資以行。駒石悔志于學之晚，日夜誦習，不急寢食，共廢其學。大進。戊子歲，歸福嶋。邑之子弟皆從學之者多矣。自是山村氏愈敬愛之。

福嶋邑本尾張州之附庸，而山村氏數世以土豪據之。奉其閔門守職。故尾府下有山村氏朝宿館。安永丙申十月，山村氏使駒石爲館之留守。館事大理，有暇則出與府下諸子以文學交歡。其名稍聞於府諸名士之間云。

天明中，福嶋諸邑多水災，稻麥不登。於是乎邑納不入財用不足。山村氏知駒石有吏才，舉而爲邑計吏。盡

任其所爲料理出納駒石以謂足用富財在於節儉
節儉所期在償負債建議省略諸費專以質素爲先
務三年而後邑中爲之不匱邑之富民先納貨者相
謂曰石作先生忠直之人我君委以管計自先生司
斯職僅三年招撫荒散蠲復徭役先償我所納十二
三不堪督責我輩數世住于斯地稱爲土豪豈可無
助其功分其勞哉皆相偕至于官署請燒舊券而改
別納貨其所燒棄券書數十通其滯貨數四千二百
兩於是山稅市租均成收支財用大足上下悅之
駒石以寬政乙卯秋喪其母桑原氏哀毀骨立然山村

氏以職務不可闕奪情起復。斯時駒石旣爲室老。治下舉措決於其手。故強立幹事。不敢以衰疲廢邑政。至翌年丙辰正月十四日病歿。年五十七。所著有翠山樓集。莫逆集。勸學言志編等。

源東江

名鱗字文龍號東江。來禽堂。萱舍。青蘿館皆別號。澤田氏通稱文治郎江戶人。

東江家世業商。至東江始好學。必立操尚。欲以文學而振揚於當世。講究經史力學數年。雖然自耻入于時流。門牆不敢執贄於人。但以其有墨癖。受連筆法高。

頤齋。頤齋玄岱子。以書名於時。其筆法自明王履吉。
三傳而至玄岱。頤齋能受其術。故東江服傳流有淵
源。講經之暇。專學其法。尤巧草隸。兼精六書。年過四
十。知王氏書法非古法。自摸晉世奉崇二王。別爲一
家。雖其人非世所謂書家者流。著聞喧傳。爲書名所
掩。世人至今無知其經學文章翹楚一世者。甚可惜
耳。

東江性好施譽。些無吝惜。有來告窮者。不論新舊。而賑
恤之。頗意救援。故寓門下者。常數十人。家爲之貧。然
不爲以憂。曰。有無相通。衆寡相均。天之道也。人皆依

改東郊爲東江云。

東江有膂力。能舉米一苞。明和壬辰火災。并金我居。羅延燒家。在柳塘和泉橋。東江疾馳至其家。金我及家人既逃焉。門人奴僕猶在家。運脫財具。東江欲擇其家具最貴品者。而免於火。火既延燒屋。熾煙散亂。不可嚮邇。米八九苞積在厨下。乃挾二苞。寘之樹下。再提二苞而逃。以免于火云。

東江容止甚美。少壯之時。放誕不羈。不問生產。徘徊花街。留連數日。費盡乃歸。嘗爲名妓某所指。注有柳橋美少年之稱。時東江父某家于柳橋畔北里娼家。無不知其名者。

及其學既成顯聞於世。以舊時故娼家富豪爭延致求乞詩及書者踵至。東江不辭之。輕諾猥交。傾動流輩。更不擇人。傳說者增益而附麗之。自謂後人知我固不在此。

東江二十九歲時著書範四篇。譏斥時流習弊。其言雖爲臨池家而發之。持論正當。識見透徹。其體例與物徂來學則同趣意。蓋在復古而一洗後世陋說。當時疑其言者極多矣。皆以爲好辨者。後荅源子亮書中言其非好辨者。縷々數萬言。其略曰。蓋不佞幼好讀書。讀詩書六經而下孟荀之所傳。頗知堯舜三代之

道如何。此吾所志也。書吾豈敢乎。然以有黑癍。讀古人書論。而又觀古人遺跡。有年於此。遂知魏晉人作字法。不佞雖僻情。亦有人意。豈不欲以彼所求。共吾嗜乎。如範。酬諸生來問之意耳。其神韻所存。裁量。可以視也。

東江於六書。博考詳究。用力甚勤。其於漢晉唐宋之金石遺文。訪索殆盡。收藏頗富。又於我邦中世之殘碑斷碣。窮搜摩挲。審度真偽。而辨定之。殊長於影鈔鈎字云。

東江精於款識。金石之刻。人求品題。造請無間。收藏之

家片言隻辭得以爲審故其遺墨布於天下尺素短札至今特多矣

東江以寬政八年丙辰六月十五日歿年六十五葬于淺草本願寺所著有書述二卷書話三卷書府十卷書則二卷書範一卷書學筌十二卷集古印選四卷法帖考五卷金石考五卷歷代書家姓錄二卷文淵遺珠二卷來禽堂雜著二十卷東江詩草全文草各二卷東江尺牘一卷

那波魯堂

名師曾字孝卿號魯堂又號鐵硯道人通稱主膳

播州人仕于阿波侯

魯堂之曾祖名定之字叔成號草菴活所之第二子木菴同母弟也世住於播州姬路父曰祐胤母三木氏少好學年十七遊于平安學於岡龍洲名白駒字千里寓其塾五年學成築草堂於聖護院村教授生徒講說爲業無幾遊事聖護院王府爲侍讀至晚年被聘阿波侯仕爲儒官祿百五十石移居德嶋世人呼爲四國正學

魯堂學于龍洲時專治漢魏古學確信師說寶曆中校訂杜氏春秋左傳集解刊行於世先是元祿年間雖

有集解刊本校刊不精。錯誤尤多矣。龍洲嘗著左傳
觴補葺集解。未及。又有意於校刊集解。而義當謀諸
龍洲。而後從事其業。徑以成其舉。又不告其故。龍洲
甚愠之。至被拒絕。不爲訊問。七八年矣。魯堂悔之。其
所善江北海爲魯堂詣龍洲許。請宥恕前過。而復舊
時。龍洲曰。那波生以不入吾門。牆難餬口。於講業則
可以許。出入于吾厨下。與奴僕爲伍。決不可以許。其
他魯堂知希解。不成。不再請。悉改其所爲。左祖宋學。
專唱性理說。以排擊古學。以任遂以是名於當世。
蓋當是時。洛攝之間。講宋學者少矣。故其業大行云。

魯堂自唱洛閩學於世自以正學居指伊仁齋物徂來
宇明霞之徒爲異端之魁與其徒不交著學問源流
道統問答二書粗述其學源出自藤惺窩之事時長
門林東溟講業於平安舊與魯堂善至其改古學墨
守程朱自以正學居屢寄書牘辨駁宋學指摘魯堂
所爲不穩當魯堂窮其盤問作遁辭曰與世推遷耳
魯堂仕于聖護院王府時嘗奉其命稱王府老臣爲使
者於近衛藤公館問奴僕數人相從魯堂著禮服謂所
麻上藤公乍候出途ミホ蒞使者至以謂使者奴僕必著
王府之標幟固易認知而魯堂不示華顯使從者不

著標幟。乍候果不知其使者。過唯視魯堂來問曰。子若非王府之使者乎。吾在於此。族其過。既久矣。魯堂曰。繼而至。遂不告而行。

魯堂資性踈脫。不甚守規則。其在家也。常無禮容。至于夏日。袒裼裸體。而對几讀書。雖有來者。不敢改之。類索猥褻。自然爲風。閨門之中。更沒正經。

魯堂至歲五十後。室名嶋氏。生二女。愛養尤厚。忻躍之至。寵弄之極。長後不加訶箴。任其所欲。平安風俗。至仲元夜。陌頭點燈。妙齡婦女。少年治郎。相集供爲歌舞。於委巷。唱囉媒狎。無論貴賤。謂之盆躍。其戲遊本

出於梨園優伶之徒。雖販夫估客。知自檢者。無有之。
爲魯堂二女請。爲之戲。不禁。遂爲之造時樣袷服。而
使著之。從其意。

明和甲申歲。韓使來聘。魯堂與其學士南秋月。

名下字
時韞秋

月其
號

唱和賓館。又請阿波侯。從其東行。相與到江戶。

屢詣旅舍筆語。秋月喜。魯堂精於理學。稱爲日東儒
學第一人。魯堂以旅筭中所携劍南詩鈔一帙贈之。
秋月固喜。陸務觀詩因賦一律謝之。其詩云。放翁元
是後。夔翁七十年來萬首工。雪月風花題品外。人情
物態畫圖中。吾衰漸入歸依法。路遠逾思簡約功。山

履湖舟隨處々。一生回憶海天東。魯堂和韻云。浣花
溪後一詩翁。唯有劍南堪代工。驢背醉吟風雪外。梅
邊癡態色香中。半生全費推敲力。萬首終歸磨礪功。
開帙贈君心不隔。天涯月白海西東。

魯堂以寬政元年己酉九月十一日歿。時年六十三。葬
於德嶋城西妙高菴。門人相議以其無嗣子。以佐々
木績字世勲號綱川配之。長女爲嗣子。襲祿綱川舊
學于魯堂。故能繼述其旨。不墜家聲云。

紀平洲

名德民字世馨號平洲。又號如來山人。細井氏通

稱甚三郎尾張人仕于國侯

平洲之遠祖正四位上式部大輔紀長谷雄。以文學顯於寬平昌泰之際。其孫雄文隱于河州細井鄉。子孫因氏焉。二十傳至岑克始移居參州。生克成。克成仕於今川義元爲裨將。克成生岑廣。小豆坂之役力戰被創。不能騎馬。辭祿家居。其子雄貞奉仕。神祖於遠州濱松。姊河之役有功。後隱於尾州平洲邑。以農爲業。從士十餘人。皆爲隸農。慶長中徵之不起。雄貞生貞久。貞久生恭貞。恭貞生正恭。正恭生正長。通稱甚十郎。娶同邑竹内氏生二子。伯正方通稱甚兵衛。

叔乃平洲以享保十三年戊申六月二十八日生於尾之南鄙平洲邑云。

平洲之母當有娠時數夢三辰平洲生有黑痣在眉鬖之間自然成七星象人皆奇之。

平洲幼好讀書誦讀既遍歲十七而請遊學於京師單身趣之與伊勢人北畠世規者同舍僑居垢衣弊帶食糲啖蔬務儉費用先是父正長爲之與金五十兩使適其用在於京一年費散十兩以其餘購得書數百卷及歸期馱兩馬而還鄉里皆以美談之。

平洲遊學京師遍詣諸儒不見德義文學可師資者乃

歸於鄉。父母喜其持操與勉學。將分田宅爲生理。平洲不可曰。願得二百金。從兒所欲。乃許之。盡買書而讀之。足不出戶外一年。於此自謂是吾所師也矣。

延享中。參河元淡淵始來尾府。教授生徒。平洲往謁之。相與商榷經史。大服其德義與學術。以爲得師事之人。淡淵自得平洲於門下。稱以爲羽翼吾業者。遇之超群弟子。學於此一年。使平洲西遊長崎而學華音。平洲在於崎三年。而聞母疾。卽日治裝東歸。淡淵逾稱其思理篤於孝道焉。

平洲二十四歲。下帷尾府。教授爲業。無幾來江戶。僑居。

芝三嶋街。先是元淡淵又來江戶築室於此。稱叢桂社。與平洲僑居相去咫尺。淡淵喜之切磋其業。既而淡淵歿。其後叢桂社諸子皆入於平洲之門。平洲之名始著聞於當世。

平洲既教授江戶二十年。許講業之盛。殆無虛日。出則列侯講筵。入則教育子弟。在塾者。惟日不足。不啻經學文章。世稱以其人長於經濟。王侯貴紳請以爲師。或有欲重祿而致於其職者。辭而不仕。私心竊謂無已則已。仕則豈有他哉。尾我墳墓之所在也。捨是何之。偃蹇至半百。安永九年庚子。尾侯聞之。召見。賜月

俸二十口。始侍經筵。平洲不堪感謝。陪其坐。淚下而泣。班列之諸臣竊笑其態之似兒女。蓋款誠所爲。諸臣不省之。二月許進爲侍讀。兼明倫堂督學。班親衛騎將。加賜歲米三百苞。後轉賜田祿四百石。平洲嘗以一磁盃與平洲曰。勿以此陋。莫子饘於是。粥於是。以餬子口。及學成而顯名於世。師範於王公。瑤椀銀盃。從子所欲。莫以吾遠慮爲等閑。平洲蓋有深意。教以儉樸。且示磁盃上虛下實。能容物之意也。平洲謹受之。後用斯磁盃殆五十年。及其登庸於臣。食祿四百石。顯著一世。未嘗廢之。初其妻石村氏嘗

平洲時平洲諭以師訓後賈奴婢石村氏先捧斯器
必示之曰夫子所寶無以尚焉謹勿毀傷深教戒之
適有其急忙疎放之失手器皿屢毀而以敬重尤厚
未嘗生釁歟也蓋磁盃至貴重者價不上十餘錢也
況價卑者質易毀破矣明和壬辰之災及平洲家家
具器財悉爲灰塵門人先懷此逃特免焉

平洲自少壯容貌高貴意向有度行趾遲重絕無輕躁
急遽之態雖家人奴僕未嘗見厲辭愠色至其晚年
風格清華老練世事威儀適可仰接人溫恭有禮故
一執謁於門者雖經過數日而不能忘其丰采照也

於人。

平洲資性至公。無所偏愛。特愛重三舊器焉。一曰磁盃。淡洲所授也。二曰紙匣。自少年寘座右。出入隨身。殆三十年。平生著述稿草所納也。三曰舞阪笛。寶曆癸酉。歲暫還尾府。路經遠舞阪。傍見叢竹之異種。疑其必有笛材。截而持歸。後自製作笛。果有異聲。名曰舞阪笛。時々弄之。其愛重之不啻千金之財。壬辰之災。幸皆免於火焉。至晚年。西條侯頗好音樂。私欲斯笛。平洲知之。遂獻於侯云。

平洲在尾府時。其友小河仲栗携妻兒來主於平洲家。

平洲移於江戶。又從焉。無幾飛鳥子靜又携妻兒寓于其家。於是乎五姓同居。三家同爨。四年於斯。于時其父正長老養於平洲家。仲栗子靜事之猶子。易衣而出。并日而食。養老撫幼。二人與平洲交若兄弟。其婦三人亦若嫂妹。相得而樂。一家和煦。毫無悔恨之色。隣里之人始不知異姓同居。賀正長曰。三賢子。三孝婦。三順孫。翁之享福何至於此乎。皆羨之。仲栗名寬號天門山人子靜名淵號圭洲皆長崎人受業於元澹洲其傳詳載于續編

平洲自督學於尾府。薦國之耆儒及弟子若干人。而充學職。國中之民莫不皆來受教學。政大振。先是又命

鄉縣置講舍名曰講學所。使平洲循行各鄉教喻農夫。百工商客巫祝及輜丁馬隸。媪婆村女會集講舍者。每數千人。或至萬餘人。蓋講說孝經論語等一二章。敷演其旨。因緣廣義。錯綜和漢論人倫之本。辨治道之要。詳公私別。叔慝導以溫言。勵以危言。教戒懇倒。聽者莫不感嘆喜悅而流涕矣。其事雖浮屠所謂說法談義。不能及此。愚夫愚婦能爲之化誘矣。平洲遇門人甚有禮。寓塾中者。有過失寬恕不責。必婉曲諷諭。待自悔悟。嘗有一書生。從學多年。頗有世才。使管財貨之出入料理。塾徒費用之事。後私其財及

歲暮迫節。太窮其謀。會計不當。隄調不成。通數頓耗。衆皆譏之。以謂已便計所爲。平洲視之。若不知者。不問其出入。又不發一言。既而其人自耻苦求歸省。衆皆逾譏之。又以謂彼耻其私而辭。萬不再來。行裝既成。至將行。平洲自脫腰刀與之。曰。子刀鞘敝矣。非所以慰父母也。子舊寓於吾。料理塾徒費用之事。今謝其勞。損吾有餘。補子不足。慙慙告之。其人感謝而去。未數月再來。勉強服其勞倍舊矣。

平洲博愛容衆。不與人忤。虔誠尤厚。小河仲栗飛鳥子。靜同居多年。仲栗子靜各卜居。後仲栗歿而無所歸。

於吾殯喪祭若家人。且妻兒皆依賴焉。子靜又歿。而無所歸。喪祭之猶仲栗。養妻兒於家。後爲其女子整資裝嫁之人。仲栗子昂長薦之尾府。食祿儒官。又南宮大湫子齡。大湫歿後。與其母氏皆依賴焉。齡長薦之尾府。又食祿儒職。云其他寓塾者。雖斗筭之人。若有歿者。憫寄寓異鄉而死於客中。久後遂失其葬埋之所在。自出費用立碑於葬所。以記其姓名者數十人云。

平洲年四十四應米澤侯

從四位侍從彈正大弼之聘上杉治憲老後號鷹山

往于其國。侯聰明英斷。專志政治。尊平洲爲賓師禮。

待優渥。嘉納其言。一洗舊弊。留居一年而歸。闔境比
隣靡然嚮風。安永中米澤國學興讓館。造營成。侯再
招平洲於其國。討論失得。參定政刑。又與平洲巡行
封內。覆檢使役。煩劇與民間愁苦。百廢悉興。豐施遍
於下。衆民大悅。至衆民見平洲過於途。感嘆垂淚。拜
跪合掌。而謂大慈悲生如來公亦留居一年而歸。自
是後米澤封內。治教之績。顯聞海內。稱爲當時之第
一矣。

平洲講說經義。確信師說。一守遺訓。不拘拘乎字句。主
提大義。姑据古註疏爲解。不好參考宋元明清諸家

經解勢就簡易。故其學極寡聞而固陋。當時諸儒皆以爲僥倖得於世。其言似可信而實不然。平洲之意蓋在於成德作用。成作不在於學術之深淺。各有所適。故門下之士皆多異能德器。餘韻所及可謂有真儒之風矣。

平洲至晚年德望逾高。實非世所謂儒者也。凡王侯卿士每與平洲語。必屏人移時。或書牘來讀了。多手火之。蓋其封國采邑之政令。綱紀機密。及政府典刑。必有預知而掛口不一言。及其病革。書牘數十通。猶在篋笥。門人衆長達神保簡受遺言。盡返之。各主是以。

雖家人絕不能知其詳矣。

平洲喪妻石村氏。後追念其婦行進退有度。且善女功。其與仲粟子靜妻同爨多年。輸寫款誠。契素若骨肉。各事操作。贊襄其君子。蓋婦人之性動輒易。懷熱妬忌。更無抱歉罣慮。常循々然傾睎之。二妻亦能請寄之。平洲以爲若斯之配。不易再得。哀戚之甚。顏色憔悴。至得厚情仇儷之譏於人焉。

平洲以享和元年辛酉六月二十九日病歿於江戶外山邸舍。享歲七十四。葬於淺草天岳院。及其表墓。西條侯源賴謙親題篆額曰。平洲紀先生墓。後米澤侯

藤治憲銘碑陰。門人尾府記室小河鼎撰墓誌。又留
米文學。權公禮作行狀。初娶石村氏賢。而無子。早歿。
再娶奧田氏。有二男三女。伯長融字君朗。叔長溫字
泰卿。及長女皆夭。二女嫁門人泉長達。養字野氏。子
德勝字世克。爲嗣。配之季女奉其祀矣。所著有詩經
夷考。詩經古傳。毛鄭異同考。獻芹錄。平洲小語。遊松
嶋記。嚶鳴館詩集。全遺稿。全和文集等。

梅莊森愿淨書

先哲叢談後編卷之八終

大尾

琴臺東條先生著述書目

先哲叢談續編

八卷

先哲叢談年表

一卷

儒林小史

十卷

逸人小史

十卷

經籍通志

廿卷

津逮書目

卅卷


談藝折衷


六卷

閑散餘筆

十卷

右本舖既受先生之許可將陸續開雕而布于世者其餘猶未全脫稿者數種友今茲所編刻成記其概略以爲他日致言告四方雲嶺之君子





先哲叢談後編

BL
1843
T582
v.8